


TOKELAU

TAUKIKILAGA O NA FAKAMAUMAUGA O NA KĀIGA MA NA TINO TAUTOKATAHI

A hand holding a black and white photograph of four men in suits. The photograph is slightly tilted and shows three men standing and one man sitting in the foreground. The man standing on the left is wearing a patterned tie. The man sitting in the foreground is wearing a light-colored suit jacket and a patterned tie. The man standing on the right is wearing a dark jacket over a light-colored shirt. The background of the photograph is a textured, light-colored wall. In the foreground, a hand with a blue tattoo of a star pattern is visible, holding the photograph. The background of the entire image is a blurred wooden surface.

Ko na fakamaauga o na kāiga ko he vaega ia o te tatou talaaga. E kitatou maua mai ai te tatou fakahinomaga ma kitatou iloa ai foki te mea na omamai ai kitatou ma pe ko ai foki koe. Ko na fakamaauga e aofia ai na ata, tuhi ata, tuhi, ma na pepa e tāua. Ko te fefaiakiga ma te teuga ona koloa ienei a te kāiga e iloa ai pe fia te leva e mafai ai ke teu. Ko na lapatakiga ienei e fehoahoani atu ke mafai ke teu mataloa ai na fakamaauga a na kāiga ke mafai e na tupulaga e fai mai ke kilatou maua.

KO HE ATA FAKAHOLOPITO MAI TE PACIFIC ISLANDS
EDUCATION RESOURCE CENTRE (PIERC) I NA ATA TEU MA
TE PULEHILI MUAMUA O TE PIERC DIRECTOR LE MAMEA
TAULAPAPA SEFULU IOANE CIRCA 1970S.

Ni mea vehea te ono āfaina ai na fakamaumauga a te matou kāiga?

Ko te lahiga ona fakamaumauga a na kāiga ma na tino tautokahi e fai ini mea fakatenatula (vavae, lakau, lau (flax), paku, gelatine etc). E kamata kino gofie kafai kua leva ma mataloa te teuga. Ko kinei e fakamalalama atu ai e kimatou na mea e mafai ke fakakino ai a koutou fakamaumauga ma na auala e mafai ke puipui ai.

Fefaiakiga:

E mafai ke kino gofie kafai e hona fai te fefaiakiga ma e ono gahae, manuminumi, kino te fakavaka ona tuhi, pe taketake na ata. Ko na lolo i o tatou tino e hikitia ki luga ona mea ienei ite taimi e tagofia ai, e fai ma auala e pipiki ai te kelekele ki luga o nā pepa ma togoia ai na ata.

Heā tau mea e mafai ke fai: Kafai e tagofia na fakamaumauga e tatau ke fai ma te fakateete ke nahe pa ki he tulaga e kino ai. Fakamautinoa ko o lima e māmā ma mamago kafai koe e tago ki ei ma taumafai oi fai ni o atigilima kafai koe e tago kina ata pe ko na ata ko heki faia (negatives). Ko koe na he tago ki luga o te ata kafai e hēai ni o atigilima, kae tago ki na autafa o te ata.

Tatala mālie na tuhi ke nahe taketake na iviivi ona tuhi ma fakaaoā to lima pe he lalago ke fakateke ki ei na tuhi e mukamuka ma tatala ke kalava ite 90°–120° fakatulimanu

Malama:

E kino gofie lele ite malama na lihoi e fai ai a koutou fakamaumauga, kae maihe lava te malama e maua mai te ultra-violet (UV). Ko te malama tenei o te UV e lahi maua mai ite la, kae ko na itukaiga matāuila e lanulanu ma na tahi itukāiga e taku ko

na matāuila halogen, e mafai te malama e hau ai ke kino ai foki na fakamaumauga ienei. Ko te malama e matafi ai te vai ote peni vena ma na togo, ma e fakakino ai foki te lanu o te pepa.

Heā ta koe e mafai ke fai: Teu na koloa iēnei i loto o he puha kafai e hē fakaaoogagia, kae ke puipui mai ai mai te malama. Fakatū ihe koga e malutū i loto ona potu ke nahe huhulu hako mai kiei te malama o te la. Toho na pupuni ma na pola ke fakataigole ai te malama e ulu mai ki loto. Fakaaoā na matāuila e taku ni LED auā e hē lahi he UV e hau ai. Fakaaoā foki na tioata- ona- fakavaka- ata, na pepa e fakapouli ai na famalama, pe ko ni matāuila e fakamāmā ai te malama o te UV.

Tau ma te vevela:

E āfaina na fakamaumauga e teu inā huiga ote tau vevela ma te hūhū o te ea. E lahi te āfainaga o ienei vaega kafai e lahi te huiga ote tau ite fanoga ote taimi. Ko na lihoi iēnei e olo e fefete ma fuafu toe mimigi ini vaitaimi kehekehe, e mafua mai ai te taketake, gahae pe kua he gatahi.

Ko te lahiga ona kogāfenua o Aotearoa e maualuga lele te tulaga e hūhū ai te latou tau, e ova i te 65%. E fakalahi ai te tulaga e ola ai te limu e āfaina ai o tatou ola mālōlō, vena foki ona fakaititia ai te taimi e mafai ke teu ai a tatou fakamaumauga.

Heā ta koe e mafai ke fai: Ko te teu o au koloa iēnei ihe potu e hē fakaaoā pe ko loto o he kapoti makeke, ma feoloolo te mafanafana ma te hūhū o te ea, ka fakataigole ai te āfanaiga e ono pa ki ei. E hili atu kafai e malū, ko te tumau o te tulaga e iei ai te malū ko te ki ia. Na he tukua ina kogafenua e faigofie ai ona tahuhiui te tulaga o te ea ma e lahi ai foki te hūhū e ono maua ai, e veia ko na fogāfale pito ki lalo lele o he fale, na faletakele, umukuka, na potu i luga o te fakaalo ote fale, ma na faletavale. Nahe tukua na puha e teu ai ki luga o te fola pe kote foloa, ma fakamamao kehe mai na hita, na koga e iei ai na paipa vai, pe ko na fahē o fafo. Fakaaoā he dehumidifier (kae tapuni na famalama ote potu), pe tatala na famalama ma fakaaoā he ili ke fakafano ai te ea i loto o te potu. Ko na mea e mimiti ai te hūhū ite ea e tuku i loto o na kapoti ma na puha e teu ai, e fehoahoani ke taofi te tulaga ote hūhū ote ea ki lalo ote 60%. Mafaufau ke fakatau hau tamā hygrometer ke fua ai te tulaga o te hūhū o te ea i loto o he potu.

Pefu ma te kelekele:

E mafai e te kelekele ma te pefu ke makohikohi ai ia luga o he mea e veia na fai ihe hanipepa, kafai e



KE MĀMĀ O LIMA KAFAI KOE E TAGO OI ILOILO MA KIKILA PE IEI NI MEA KUA KINO I NA FAKAMAUMAUGA MA NA ATA KUA LEVA A TŌ KĀIGA

pefua ia luga ona fakamaumauga. E ono punefua ia foki auā ko te pefu e ia fakatupua te hūhū.

Heā ta koe e mafai ke fai: Fakamaeke oi fai ma hiaki au fakamaumauga pe iei he pefu pe kua punefua foki. Tafitafi kehe na tamā pefu e iei ihe palahi laumalū. Tatao ke nahe pefua ia luga ma fakaaoā ni atigilima pe fakamautinoa ko o lima e māmā kafai e tagofia e koe.

Na meaola:

E lahi na meaola e latou mafaia oi fakakino au fakamaumauga, fakatahi ai na meaola ona kie, silverfish, na borer beetles, dermestid beetles, ma nā kimoo. Ko nā kimoo e kai e kilatou na pepa, ko na silverfish ma na kutu ona tuhi e kai e kilatou ia luga ma kai foki e kilatou ia loto ona tuhi.

Heā ta koe e mafai ke fai: Fakamaeke oi fai ma hiaki ka ko heki āfaina lahi au fakamaumauga mai na meaola ienei kae ko heki kino lahi. Fai fakalelei ke mautinoa e mamago te mea e teu ai. Fakamamao kehe na meakai ma na vai inu mai ite mea e teu ai na fakamaumauga. Hakili ho fehoahoani kafai kua kimoā lahi te koga e teu ai.

Ko na fakamaumauga e hē lelei ke teu mataloa:

Ko ietahi mea e hē tatau ke fai ma mea e teu mataloa ai ni fakamaumauga auā e he lelei te tulaga na gaohi ai, e pala gofie.

- Ko te lahiga ona mea e fai ai na pepa (ko na puhapepa kekena, nuhipepa, ma nā pepa e mafai ke toe fakaaoā e veia kona pepa e fai ai na kraft pe ko na pepa e lolomi ai na mea (printer paper) e kino gofie lele ma e fanofano lava kua kitea te togoia ma te mukamuka onā pepa..

- Ko na mea lakau e togia gofie ma e mukamuka foki

- Ko na pine tamau pepa ma na kilipi e fano lava e palatokia ma e fakamukamuka ai foki na mea e gaohi ai na vaega e fai ki ei na fakamaumauga

- Ko na meafakapipiki, kelū, pakumemekī, Blu Tack®, na pepa Post-it®, na maneta e fakapipiki ai na ata ina tuhi (albums) e fakakino ma fakatogoaia ai ma e he mafai ke titina kehe pe fai ki ei he faiga ke toe lelei ai

- E iei na tagapepa e teu ai na fakamaumauga e mafai e kilatou oi fakakino, e vēia ko na PVC, na tagapepa lanulanu, ma na tagapepa mākeketū (cellulose acetate)

- Ko na tagapepa iei e affi katoa ai na pepa/pe ko ni pepa e fakapipiki kafai e fakaaoā te mahini e taku ko te Laminator. Ko ietahi tagapepa e mimigi ma maua mai ai he vaikalau e ia fakakino, ko ietahi e itūkāiga e gogolo ai te togo. Ko te faiga tenei (lamination) e hē mafai ke toe fakafoki na mea kua aff kite tulaga na iei ai muamua.

Heā ta koe e mafai ke fai: Hui na mea iēnei ki ni itukāiga-e lelei atu te tulaga e iei. Na he fakaaoā te laminator mo na pepa e hili atu tona tāua.

E vehea ona ko teua fakalelei na fakamaumauga a te matou kāiga?

Ko te teu o na pepa fakamaumauga ki nā puha e puipuia ai mai na vaega fakatenatula e ono āfaina ai. Ko na itukāiga auā e tākua i lalo e fehoahoani atu kite fakaloaloaga o te tulaga e mafai ai iēnei fakamaumauga a te kāiga ke teu mataloa.

Fakatau ni mea lelei ke teu ai

Ko na mea e teu ai ni mea e taku ni 'mea lelei e veia ko na mea e teu ai na mea ina fale mataaga, e leva foki te tulaga e mataloa ai na mea kafai e teu i loto ma e hē pala, ko na fakamatalaga ienei e ono fakahēhē ai na tino. Kikila ma mulimuli kina fakamatalaga ienei kafai e filifili ni au mea teu kope:

- Kikila mo nā pepa e lelei e maua uma ai na fakakupuga ienei 'Acid-free' & 'lignin-free'.
- Ko na pepa e hili atu ona lelei ko na pepa e '100% te vavae na fai ai' pe ko na 'alpha cellulose e 100%' na fai ai.
- Ko te uiga o te 'Unbuffered' e heki iei ni vailakau na fakaopoopo ki ei. Ko na mamanu ma na peleni e tatau ke teu ini mea e heki fakaopoopo ki ei ni vailakau kae ke puipui ai ke na he matafi ai te lanu moana.
- Kikila ki ni mea kua pahia te Photographic Activity Test (PAT) ke teu ai na ata.
- Ko ite itukāiga tagapepa e takua ni 'Inert' e veia ko na polyester, polypropylene ma te polyethylene e lelei. Ko te PVC (polyvinyl chloride) e hē he tagapepa makeke. Fakamamao kehe mai nā tagapepa e i loto ai te PVC, e tuha pe fakailoga 'achival' pe 'talafeagai ma hefe mo na mea e teu - archive-safe'.



KO TE FAKA AOGĀ O NA MEA E PITO HILI ONA LELEI KE TEU AI NA MEA TĀUA A TE KOUTOU KĀIGA, E MAUTINOĀ AI E PUIPUIA LELEI

Na takiala mo te teuga

- Tuku fakatahi na mea e tali tutuha. E hē lelei kafai e milo fakatahi na ata ma na pepa e iei ai na tuhituhiga auā e kamata matafi ai te lanu ma kamata foki oi fakakino te tulaga o ienei mea. Ko na nuhipepa e hili atu te hē lelei ma lahi ai foki te vailakau e iei. Fai ni kopi ki luga oni pepa e hēai he acid mo na tuhituhiga muamua (original). Hala fai ni kopi na ilō te kemo ake kua kino na fakamaumauga muamua na fai.
- Ko na puha e teu ai a koutou mea tāua ienei e tatau ke fetau lelei te fuaefa ma te loloto kina vaega e teu, ma e tatau foki ke hēai ai he acid. E kino kafai e fuaefa na puha, e gaioi ai na mea, e kino foki kafai e taigogole na puha auā e fifita ai te tulaga e nofo ai na mea pe ko na pepa i loto ma manuminumi ai, gahae pe pipiki fakatahi. Ko na puha pepa, na puha o na hevae ma na puha e fai ite vailakau e i loto ai te acid. E mafai ke kē fakaaogā kae pale i ni pepa e hēai ai he acid vena ma na pepa "buffered" pe heki iei ni vailakau na fakaaopoopo kie ma fai ma tahuhihi i tauhaga takitahi.

- Ko na pepa e kino gofie kafai e fetufetu. Teu fakamafolafola na tuhituhiga pe fakaaogā ni nai fetufetuga. Ko na mea lalahi e veia ko na fafanua e mafai ke fefetu ma teu i loto oni fagu loloa e hēai he acid na fai ai.
- Filifili na faila na i lō na teutuhi ke fakaititia ai te tulaga e ono fakakino ai na pito ma na tulimanu.
- Kafai ko au mea teu i luga o ni fata lakau, pale pe takai na fata ke nahe iei he acid e ulu ki loto o na pepa mai te lakau e fai ai na fata.
- Filifili na taga e mafai ke fafao ki loto na ata pe ko ni komiti ke fakatu ai. Ka na he fakaaogā ni maneta pe ko na fakavaka e fakapipiki pe ko na api foki e fakapipiki ki loto na ata.
- Fakaaogā he penitala 4B ke fakailoga ai na tuhituhiga ma na ata na i lō na peni ma na māka, auā e makomakoma ai ma gogolo ai foki te togo. Fakailoga kina pito ona ata ka na he tuhia pe fakailoga ia lototonu. Kafai ko au ata e tuku ki loto ohe tuhi ata pe he api, tuhi kite pepa i tafa o te ata ka na he tuhia ki luga o te ata.



TEU MA TUKU FAKATAHI NA MEA E TUTUHA



TATALA NA TUHI KUA MUKAMUKA KE TĀTIA I TE 90°- 120° TIKELI



TUHI KI LALO NA FAKAMATALAGA TĀUA (E VEIA KO NA IGOA, NA KOGA, NA AHO) KI TUA O NA ATA MA NA PEPA KE MATEA GOFIE AI.



KO NA PEPA E IEI AI NA TAGA E MAFAI KE TEU AI NA TAMĀ ATA MA NA PEPA O NA ATA PUKE E HEKI LOLOMIA (NEGATIVES).



TAOFI FAKALELEI I NA PITO NA TAMĀ ATA MA NA PEPA ONA ATA PUKE E HEKI LOLOMIA (NEGATIVES)

Teuga o na tuhi ma na tuhi ata

Fakatu hako ki luga na mea ienei kafai e fakaaliali. Ko te fakateke pe fakatu fakaheitu na tuhi e ono afaina ai na iviivi ona tuhi. Ko na tuhi lalahi e tatau ke faka kalava. Fakamaeke oi tafitafi kehe te pefu i luga ona tuhi kafai e teu tumau venei i luga ona fata ke nahe tutupu ai ni punefua i luga ona tuhi.


U na ivi o na tuhi ma na tuhi ata pe faka kalava kafai e teu i loto o ni puha. Fakaaogā na lipine e fai ite filo ke nonoa ai na tuhi pe ko na tuhi kafai kua gahaehae, ke taofi ai. Na he fakaaogā ni paku memeki – auā e fakapala ai na tuhi ma togoia ai foki.

Teuga ona ata, ata tifaga, pe ko na kopi ona ata puke ko heki lolomia (negatives).

E kino gofie lele na mea e fai ai na mea tau ata puke. Ko te auala ke mataloa ma lelei pea te tulaga e iei ai, ko te teu ihe mea e mālū, pouli, mamago ma hēai ai foki he pefu. Ko na pepa ma na resin-coated pepa ma na ata puke:

- Ko na ata e hēai he lanu iei e mataloa te taimi e teu ai (100+ tauhaga)
- Ko na ata e lanulanu, na kopi onā ata puke ko heki lolomia, ko na ata tifaga e kamata matafi i loto o te 20 tauhaga ona ko na togo e fakalanu ai. Teu ihe koga e mālū/pe mālūlū, kafai e mafai.
- Nitrate file (1889-1951) na fai faka kie ma e 35mm mo na ata puke pe ko na ata tifaga. E mūmū gofie ma e fakapokepoke kafai e hē teu fakaleleia. E hau ai te nitric acid kafai e kamata oi pala.
- Cellulose acetate film (1925- kite taimi nei) e vave kino gofie lele kafai e tuku ihe koga e vevela. E mimigi ite taimi kua kamata ai oi pala ma e hau ai foki te acetic acid. E tākua tenei vaega ko te 'vinegar syndrome' auā e tali ve ko te manogi o te vinika.
- Polyester film (1925-kite taimi nei) e mākeke lele.

Kafai e kē hogitia he manogi pe ko na film kua mimigi, e tāua lele te teu kehekehe na itukāiga film auā e āfaina ai au tahi fakamaumauga. Kafai e ke iloā e iei ni nitrate film pe ko he degrading acetate i au mea e teu, hakili fehoahoani ke fakamautinoa ai tenei tulaga ma ke haogalēmu ai foki te teuga o au mea.



TEU FAKATAHI NA TAMĀ MEA I LOTO O NI ATO E HĒAI HE VAI KONA (ACID) KAE KO HEKI TUKUA KI LOTO O NA PUHA E HĒAI AI HE VAI KONA (ACID) I EI

Kikila ki nā mea kua pahia e te 'PAT' (Photographic Activity Test) kafai koe e fano hakili ni mea ke teu ai au ata. Ko na ata e mafai ke fai ai ni pepa e hēai ai he acid. Teu ki loto ona puha e hēai he acid na faila ma na vaega e hē i loto o he tuhi ke puipui lelei ai. Ko na tagapepa foki e mafai ke fafao ki loto na ata ko heki lolomia kae tautuanā ko na tagapepa e mafai ke afaina ai au pepa e teu auā e nofo i loto te hūhū kafai e tuku ihe koga e vevela.

Teuga ona vaega tau media (e iei ai na VHS, CDs, DVDs, HDD):

Ko na papehe, na kaheti pe ko ni lipine ma na mahini e mafai ke teu ai na fakamaumauga, e taku ni media e maua ai te maneta, e hē mataloa, e nofo mai te 10-30 tauhaga te leva e mafai ai ke teu. E hē tatau ke teu tafapili kina microwaves, tv, mahini komipiuta, pe ko ni ietahi vaega e ono maua ite maneta. Fakatūtu na lipine kafai e teu, vili lele ke pa kite fakaikuga o te lipine, ma toe vili kite kamata ite taki lima tauhaga.

Na he gagaua pe tago foki koe ki luga ona mea ienei e veia ko na cd etc...

E fakaaliali vehea e au na fakamaumauga a te matou kāiga ihe auala e haogalemu?

He mea manaia kafai e fakaaliali na ata ma na tuhituhiga a te koutou kāiga. He auala gali ke manatua ai na tuaā kua momoe atu. Kae ko te fakalavelave, e kino gofie ai foki. Tautau fakamaulauga na kopi ka na he tautau na kopi muamua, kae teu na pepa ienei ke puipui ai ke na he vave kino. Kafai koe e fofou ke fai e he tino e agavaka ite fakavakaga ona ata, lea kite tino tena e ia faia ke fakaaogā na pepa e fakapitoa mo te fakalevaga o te teuga o ienei mea. E taugata malie, kae e puipuia ai au koa ienei ke mataloa. Fakamautinoa ko koe e fehili kite tino e fakavaka e ia pe fakapipiki vehea au mea ki loto o te fakavaka. Na he fakaaogā na mea fakapipiki pe ko na mea e fakatūtū ai na mea e pito hili atu ona tāua. Fakaaogā na kopiti e teu ai na ata, pe ko na mea fakapipiki e mafai ke ū ia fafo ki loto. Fakamautinoa e lava te avanoa ite vā ona mea e fakaaliali ke lahi ai te ea e latou maua, hōhō mai na tuhi i luga ona fatatuhi ki mua ona fata, fakaaogā na fakavaka ke teu ai na ata, ma fakamamao kehe mai na kopiti ma te fola o te fale. Fakamaeke oi holo kehe te pefu mai luga ona mea a koe e fakaaliali.

E TEU VEHEA NA FAKAMAUMAUGA A TE MATOU KĀIGA KI LUGA O NA MAHINI?

Io! He auala lelei te fai ona fakamaumauga a te koutou kāiga ki luga o he mahini ke puipui ma fakafaigofie ai foki ke maua. Kikila ki te DigitalNZ ma na lihoi i lalo pe fakataunuku vehea te faiga o ienei talaaga o te kāiga vena ma te whakapapa ke teu ki loto o na mahini.

Ko fea te mafai ke fakatau mai ai ni aku mea?

Ko na mea e lelei lahi mot e teuga o au mea e mahani maua ina falekoloa e fakatau ai na mea tau tuhi ata ma na mea taulima, na tuhi e fakapipiki ki ei na ata pe ko hō he mea, ma na mea tau peni, penitala, pepa api etc... Ko na kamupani ienei i Niuhihila e hapalai mai ai na vaega ienei e fakapitoa mo teuga o na mea totino ienei a na kāiga:

Conservation Supplies Ltd

Website: www.conservationssupplies.co.nz
Email: info@conservationssupplies.co.nz
Phone: 06 211 3991

Port Nicholson Packaging Ltd

Website: www.pnp.co.nz
Email: sales@pnp.co.nz
Phone: 04 568 5018

Triptych Ltd

Website: www.triptych.co.nz
Email: info@triptych.co.nz
Phone: 06 378 6616

Ko fea te ko maua ai he fehoahoani fakapitoa?

Fakafehokotaki te Fale Mataaga o Aukilani pe ko te Ofiha o te National Preservation mo ni iētahi fakamatalaga kite taukikilaga o ā koutou fakamaumauga faka kāiga

Auckland Museum

Email: info@aucklandmuseum.com

National Preservation Office, Wellington

Email: preservation@dia.govt.nz

Kafai kua kitea he vaega mo au mea e teu kua tau kino, ko koe na tago oi taumafai ke toe fai ke lelei. Ko na tuluiga pe ko na togafitiga e fai e te Conservation e fakaloaloa ai te mataloa o ienei vaega kua tau pala. Kikila ifo kite uepehaite tenei www.nzccm.org.nz a te **New Zealand Conservators of Cultural Materials Pu Manaaki Kahurangi**, ke maua he Conservator e tafapili atu kia te koe.

MO NI IETAHI LIHOHI:

National Library of New Zealand

www.natlib.govt.nz/collections/caring-for-your-collections

Ko te lihoi tenei e maua ai na lapatakiga agai kite taukikilaga fakalelei ma te teuga ona koa tāua a koutou, na ata (artwork), ma na vaega e teu i luga ona mahini (digital).

DigitalNZ

www.digitalnz.org/make-it-digital/creating-digital-content/digitising-family-history-and-whakapapa
E tuku atu e te DigitalNZ na lapatakiga pe ko na takiala ki te tulaga e ke mafaia ai oi teu na fakamaumauga i loto ona mahini (digital) a to kāiga ite fale.

National Services Te Paerangi

www.tepapa.govt.nz/learn

E iei na lapatakiga e tuku atu e Te Papa Tongarewa agai kina mea faka akanuku a na kāiga, nuku ma na iwi, vena ma ietahi fale mataaga i Aotearoa Niuhihila.

Ko te lihoi tenei na lagolagomia lahi e te Tennyson Charitable Trust ma te Centre for Pacific Languages.

Tennyson.
Charitable Trust
Managed by Public Trust



Centre for
Pacific Languages

Kikila ifo kite uepehaite a te Fale Mataaga o Aukilani mo he lihi ona lihoi e maua i luga o te neti: www.aucklandmuseum.com/discover/care



© Auckland War Memorial Museum
Tāmaki Paenga Hira. CC-BY 4.0